

誠意伯劉先生文集覆瓿集卷之八

古詩

為祝彥中題山水圖

高軒玲瓏不受暑半幅輕綃宿烟兩白間素壁生空明
似聞水聲繞庭宇松髯拂天藤蔓垂枯根瘦石相因依
寒濤不驚虎兕卧嵐翠欲與蛟虬飛空江悠悠一漁艇
渚白沙明萬魚靜武陵桃花何處尋落日微風片帆影

寄江西黃伯善兄弟

我思美人乃在洞庭之陽彭蠡之陰衝波亘天三百里
離恨比之應更深揚瀾咆哮左蠡怒白日慘慘玄猿吟
欲徃從之憤余心鼉鼉鼉旒不可以駕風撥撥兮雨淫

遙望厭原之飛烟邈匡廬之高岑霞標日觀矗南斗石
門雙闕撐嵌嵌虹旌兮翠羽昌容兮鳳凰舞夜衣兮恒
襟玉笙吹兮紫鸞音望不見兮悲莫任江水湛湛愁楓
林西來文魚到海願寄筆札逾兼金

題安仁余氏留餘堂

君不見石季倫對案方丈皆八珍珊瑚夜光視如土寧
知汨沒同埃塵又不見李贄皇平生鼎食滿萬羊中厨
烟火宵未冷詔書趣使趨南荒金谷名園委蔓草平泉
荆棘無人掃榮華瞬息可柰何空令過者傷懷抱世人
積金貽子孫一朝金盡難復論古來天道有好還君看
漢代于公門

送胡季珉平江監倉

君不見崇谿沙中金又不見龍門山上桐衝波蕩汨入
坎窞石溜漱齧歎雷風梓人桃氏不見顧自分委棄蒿
檣同一朝清廟作雅樂搜索絡繹奔垂工飛廉鼓鑄玉
爾斲熾炭利鑿相治確朱絃橫絙筍簾立鎮圭衮冕齊
雍容世間物理有消息累土自可成穹隆司倉雖微君
莫棄君不見魯叟當年嘗委吏

弋陽方氏壽康堂詩

先生築堂依林臯繞屋杉松浮翠濤烏皮靈壽扶鶴髮
項有千歲雙垂條小孫踉蹌竹馬戲大孫綵衣花底翱
有耳不聆闐闐音有目不識簿領曹鷺啼燕語日高起

羽觴沉沉浮春醪君不見非熊老人釣清渭九十鷹揚亦勞瘁

徐資深華山圖歌

華嶽插天七千丈丹崖翠壁開仙掌壁間攀出黃河流
大禹以之分九州河流袞袞赴溟漲華岳拔出天河上
雲宮霧窟疑本無石室金臺儼相向玉泉高通王井津
中有蓮實如車輪世人肉食未羽化可望不得聊相親
高堂晚晴圖書展眼明一見心目遠世間塵土今紛紛
吾當拂衣卧山雲

題仲山和尚群魚圖

濠梁之樂誰能寫素蟻死後無畫者上人安知身非魚
接毫貌出態更殊劍藤素拂秋雲冷眼前驚見滄江永
翠尾輕披水上萍玉鱗倒漾空中影前行十二相廻環
吹澇煦沫淵沄間最後群趨儼成列皎若寒霄舞流雪
却思昨夜風雨來赤鯉已去隨奔雷鯨鱓不作霄漢夢
潛心泳暖何悠哉贈言還畫重太息芒鞋竹杖今何適
慎勿作海水洶湧龍崢嶸空令素壁凝塵生

永康胡元鼎白雲樓

少年辭家往京國蓬根一斷無消息有時長想白雲飛
江海茫茫淚露臆歸來拜母悲且喜悔作他鄉遠遊子
却起高樓對白雲綵服翩翩足甘旨昔時望雲煎首慮
今日看雲羨無度却憶天涯望雲日平生心事從此畢

贈醫士黃元之

先生軒轅之子孫手提萬物生死根神功微妙不可狀
能使元氣回遊魂篋中永芽抽粟粒丹光照耀三彭泣
街珠不受脩蛇報采藥常令白猿拾結廬幾歲吳山阿
赤松玄俗時相過更向蓬萊下神水併與人世清煩疴

為本大師題唐臨晉帖

乾符天子萬機暇宮中扈從多儒冠玉堂開宴出晉帖
翠氣蕩搖山雪寒侍臣模寫各臻妙碧樹瓊柯相照耀
令致嗟嘆至尊喜內官拜舞宮娥咲日斜宴罷歸內園
外門有事入不言君不見關東夜飛赤白丸照陵玉匣
秋風酸

題老翁騎牛圖

白日上悠悠竹梢霧已收晴天不易得及時當放牛鄰
家放牛多兒童我家無兒只老翁寒衣在機織未就原
上烈烈多高風勿言衰老筋力薄有牛可放殊不惡但
願天公不相惱牛背閑眠飢亦好

題也先進德祖母徐氏節義傳後進德之祖以
戰死時其祖母年尚少

凰乃鳳之匹麒麟乃麟之儔錦衾角枕期白髮誰知不得
同山立丈夫殉節殞烽矢英靈在世何曾死兩龍未合
延平津白日無光天色紫君不見青松與兔絲引蔓相
纏縈松摧絲蔓斷結根猶作千歲苓洞房含風霜露早

孤兒啞啞在懷抱皇天可憐兒長成相見黃泉情亦好

題鍾馗役鬼移家圖

髯夫當前鰲婦後暗鬼作糧驅鬼負虹蜺可駕雷可車
胡為役鬼來有與乃知老馗未公正怙威植私干律令
玄雲沈陰鬼恠多馗乎馗乎柰爾何

為杭州鄭善止題蓬萊山圖

君不見大瀛海中有神嶽如崑崙周遭四城五十里石
骨纏繞扶桑根琪華爛日珠炫夜翠樓玉殿扁守闌鍾
山燭龍在其北兩眼燁煜如朝暎仙人東王公掌握天
紀弼帝尊長虹為轆龍作馬飄然乘風白日在下弱水
滂滂無力可負芥自從大禹刻石之後來者寡彼秦之

皇其貪如狼而漢之武其欲如虎樓船萬斛空魏魏欲
到不到風掣之徐市蜉蝣身乃欲邀安期文成五利小豎子
羊質彊使蒙羆皮神仙大笑起濤浪射魚海上夫何為

壽山福海圖歌

吾聞軒轅之國乃在大海之中央其不壽者八百歲壽
者乃與天地同久長樓臺縹緲造雲漢赤日繞戶扶桑
源玉泉之水清以香瑤草之味如瓊漿洪崖有時來環
佩聲琅琅鳳鳥自歌鸞自語青蜺連蜺白雲舞淋漓豹
髓浮縹觴璫錯金盤薦麟脯耳聞楚水泣皇英眼見商
郊葵彭祖琪華生樹宵有光東風入律春茫茫春茫茫
樂無極青雛夜々月中來廣寒姮娥寄消息

為王輔卿郎中題雪灘寒鴈圖

雲茫茫水浪浪林木脫葉無稻梁烏啼鴈叫天蒼涼歲
云莫矣江山長有竹有竹在高岡三株凍折兩復僵小
禽悲飛不能揚蒼梧悠悠隔沅湘欲往從之川無梁願
披寒霄見朝陽勿令嗷嗷傷我腸

題金谷園圖

君不見石家名園擬黃屋蜀錦作園金作谷暖香烘日
浮紫霄冰紈火布鮫人綃燕釵十二歌白苧珊瑚玲瓏
綠珠舞月榭吹笙引鳳凰霧幄傳觴語鸚鵡爨下蠟光
宵未歇樓上佳人碎瓊雪空將遺恨寄丹青留作千年
覆車轍

送人分題得鶴山

丁令威乃在崑崙之墟閩風之巔羽衣誤作塵土夢回
首人世三千年空小落日松栢冷苦霧慘含悲泉夢
隨回飈訪瓊田紫雞青鴨還相憐丁令威將柰何野有
矰繳隰有罔羅前飛鳥為後駕鵝啄腥爭腐聲嘍囉渺
予懷兮隔烟蘿杳冥冥兮倚長歌丁令威胡不歸槐江
之山連大隄玉樓金壘中天開玲瓏碧樹鏘瓊瑰鳳凰
有閣竊焉有臺君胡為兮獨蒿萊丁令威歸去來

畫竹歌為道士詹明德賦

我所思兮在瀟湘蒼梧九疑渺無際但見綠竹參天長
止有寒烟凝不飛下有流水聲琅琅中有萬古不盡離

別淚化作五色丹霞，橫穿崑崙貫石出，厚地風吹露滌宵。
有光我欲囚之，邀鳳凰天路，脩阻川無梁。孰知畫史解
人意，能以造化歸毫芒。虛堂無人，白日靜，使我顧盼增
慨。慙玄霜慘烈，歲將宴，鼙啼鼙叫天，悲涼我所思。芳香
茫茫山中紫筍春，可茹歸來無使，遙相望。

題蘭花圖

幽蘭花在空山，美人愛之不可見。裂素寫置明窓間，幽
蘭花何菲菲。世方被佩，薜蘿我欲紉之。充佩褱眾，
獨立衆所非。幽蘭花為誰好，露冷風清香自老。

送葛元哲歸江西

我昔筮仕筠陽，初官事窘束，清事踈風塵。奔走僅五稔，

滿懷荆棘無人勸。明堂大開，壯梁棟，散木不遺。掾稅用
豫章江上一逢君，矯々雞群一孤鳳。城頭月出明星稀，
開門望月露沾衣。文章繡衣郎，談屑天葩飛。得句即高
歌，驚起鳥鵲穿林霏。星流雲散隔吳楚，有時夢君詩上
語。坐中百谷含清暉，窓外飄風度。踈雨我住青山耕，晚
霞君去蟾宮折桂華。別來八見秋雁過，忽然會合增長
嗟。江南二月草未秀，雪陣如濤袞清晝。投壺命觴盡文
友，此樂百年何日又。一朝復一朝，三歲如過電。四牡彭
彭子獨賢，江東山水看遍人。聞萬不齊我馬向南君，向
西海門日照漁浦白。驪歌欲斷吳雲低，枯蒼山臨川水
相思迢々一千里。山高々兮水深々，極望不見愁人心。

應將魂夢化鶴永夜月明懷好音

夜聽張道士彈琴歌 道士字君度

白間含光月照席梅花入簷珠的皜虛宮道士彈七弦
明星在樹霜滿天銷如暗泉發幽竇悄若空山叫哀猶
霧雨寒吹松柏響波濤怒激蛟龍鬪神奔鬼恠入杳冥
鸞孤鶴寡風冷湘娥宵攀竹枝泣紫鳳曉啄梧桐鳴
悽々欲斷還復續啼鴛一聲春草綠若然清澗行素秋
落葉灑地蟲啾々擁衾聽之消百慮夢逐行雲自來去
九疑連天洞庭遠海闊煙深不知處虛宮道士聽我語
世無子期誰識女素間濮上方施行白雲陽春棄如土
辛卯仲冬雨中作二首

江城積陰愁玄冬千家萬家雲水中烏啼黃昏鴈叫夜
鼓角慘澹愁悲風青燈無光掩閤坐飢鼠相啣啼過我
讀罷殘書有所思凍雨霏々淚交墮

歲云暮矣風蕭々木葉脫落惟空條雲濃雨細白日短
慘々不辨昏與朝雨中行人足斛觥去與公蒙製戎服
中原豺虎正橫戈天寒風急柰爾何

悲杭城

觀音渡頭天狗落北閤門外塵沙惡健兒被髮走如風
女哭男啼撼城郭憶昔江南十五州錢塘富庶稱第一
高門畫戟擁確藩豔舞清歌樂終日割臙進酒皆俊郎
呵叱閑人氣驕逸一朝奔迸各西東玉笋金杯散蓬草

清都太微天聽高
厠略龍韜緘石室
長夜風吹血腥入
吳山浙河慘蕭瑟
城上陣雲裝不飛
獨客無聲淚交溢

夏夜台州城中作

江上火雲蒸熱風
欲雨不雨天夢
良田半作龜兆拆
杭稻日夕成蒿蓬
去年海賊殺元帥
黎民星散劫火紅
耕牛剥皮作戰具
鋤犁化盡刀劍鋒
農夫有田不得種
白日慘淡衡茅空
將軍虎毛深王帳
野哭不入轅門中
健兒鬪死烏自食
何人幕下矜奇功
今年大軍蕩淮甸
分命上宰麾元戎
舞干再見有苗格
山川鬼神當效忠
胡為旱魃還肆虐
坐令毒沴傷和冲
傳聞逆黨尚攻剽
所過丘壠皆成童
閭司恐懼破和議
斥候悉罷雲邊

殺降共說有大禁
無人更敢彎弓
山中悲啼海中咲
蜃氣繞日生長虹
古時東海辟孝婦
草木枯瘁連三冬
六月降霜良有以
天公未必長瘖聾
只今幅負廣無外
東至日出西太蒙
一民一物吾肺腑
仁者自是哀鰥恫
養梟殛鳳天所厭
誰能抗疏回宸衷
夜涼木末掛河漢
海嶠月出光玲瓏
仰視皇天轉北斗
嗚呼愁歎何時終

寶林同講師涓馬圖歌

天廐馬神龍姿
目如明星耳如錐
拳花鬣毛雲陸離
揚鬣掉尾頰虹飛
天廐馬閑且驕
繫以青絲勒以鑣
渴不得飲瑤池泉
飢不得食瓊田苗
且粟不實中腸
枵口不能語是屢
躑天廐馬壯且武
食主之食須報主
莖秣失

時罪在牧圉無如宋祥然不得嚼咀喪厥元戎殄師旅
天既馬爾不聞趙國廉將軍一飯斗米肉十斤被甲據
鞍走若雲北斬栗腹西拒秦負荆謝藺不為身至今天
下稱良臣又不聞漢季劉荊州有牛千斤角曲觔啖食
十倍於常牛者豈不若一牝鹿老瞞度江俘楚囚骨肉
解割存身濟天既馬飽爾食草間封狼追誅殛威孤撥
刺矢不直嗟爾神駿須盡力他年定遇田子方懋上優
游終主德

題釋驂圖

關中小兒勇而競王帳貔貅三百乘焉知道上十二牛
皇天默佑周同姓絳宮大厲吼如雷墨車載甲光照續

直望外意片言由內主鴻鴈曾傷弓尚為空誇愁犀
兕脫匣出聞呼肯回頭河邊解驂徒講謀舟中稽首心
悠悠濟河封尸勿云晚此事終作晉國羞君不見夫差
違子胥空濼姑蘇泣文夫深戒婦人仁養虎遺患悔莫
及

中峰永先和尚醉墨圖歌

老先行脚遍天下五湖七澤曾中吞淋漓醉墨落人世
恍惚目擊瀟湘存蒼梧飛龍去不還洞庭赤沙流水渾
九疑竹枝餘淡痕澹蘭沅芷化蕭艾古木兩炫寒烟昏

雲帆縹緲向何處波浪瀕洞驕魚龜我生胡為羈旅間
感時觀物生愁怨還君此畫歌一曲悲風慘淡來崑崙

題錢彥舉馬圖

吳興公子雅好奇欲把丹青競天巧花蜂柳鶯看已足
畫得驕驕圖更好浪花滿身蹄削礪兩耳抽出春筍尖
鬣欲拂九霄雲隔目似掛高秋蟾昨者王良失鞮鞢
後復咆哮蛇豕聞天閑乘黃越在野出車未見歌南仲
焉得安得此馬背負郭令公掃清四海歸奏明光宮

題王元章梅花圖

道人紅顏映鬢雲欲與梅花圖清潔夢魂化作梅花神
兒得梅花最奇絕高軒落筆當時驚世

九霄雲沈珠玉蕊野水影動龍蛇枝勞生苦被煩熱惱
見此令人暢懷抱虛堂夜半明月入玄鶴一聲驚絕倒
西湖處士骨已槁湖上淡烟迷蔓草石壇日夜長蒼苔
紫脫瑤英為誰好羅浮山在何處聞道其間無散木只
有梅花三萬樹皇初平在金華山中白羊許借我與爾
並駕凌飛霞

金碧山水圖歌

武陵桃源今有無展畫渾如夢中見青螺作山綃作雲
白日蒼茫曖芳甸雄梁跨壑矯脩虹走瀑懸崖激飛電
紫鳳宵鳴梧樹枝青雛曉啄桃花片鳥啼長是豔陽時
草色寧隨霜雪變衣冠尚存周典則租稅不輸秦郡縣

山中肉芝美堪食
澗底石泉清可嚙
安得此地結茅屋
寄書漫託雙飛燕

題松下道士携琴圖

道士抱琴松下行
松風入耳清涼生
石梁苔滑不可上
潭水冷泠學琴響
琴有意兮水無心
水中有龍能聽琴
琴聲淒斷水流咽
月滿空山落松雪

題縣崖蘭花圖

洞庭一夜西風起
沅湘美人隔秋水
翠蕤玉佩冷不收
移入蒼梧九千里
蒼梧之山絕浮烟
上與女媧所鍊之
石相牽連瘦根迸
雲石為穿紫莖瓊
蕊涓飛泉一開一
落三千年歲晏玄
霜白日晃南山桂
枝化為棘我欲采

之
真月宮青鸞呼不來
卧看月明空太息

題雪汀圖

天迷迷地茫茫
雲垂日白江水黃
跋烏凍縮龍走藏
雪花如月開搏蔡
彼何人斯一葉航
手持釣竿詠滄浪
詠滄浪倚道遙
天風吹入瑤池去
素女素娥應見招

為董楚芳題山水圖

金庭接四明
會稽截禹穴
半嶺生白雲
如濤湧溟渤
我住城南隔天鏡
朝夕看山見山性
是誰模寫作畫圖
展向高堂色相映
天上寶書絨石室
翠栢蒼筠曉蕭瑟
有蛟如龍身九屈
林深嶂疊不見日
龍氣吐為烟霧出
何處樓臺香靄中
蓬萊只在雲門東
陽崖不留建木影
陰

澗自起樵人風賀知章今已矣湖邊酒船為誰艤赤城
霞標通宛委陡若花開落松子蕙帶荷衣歸去來清泉
素石無泥滓

寄陶中立郭秉心叙舊言懷

為別未五載恍如生死隔有時長想愁欲狂中夜感歎
無羽翼憶昔相逢俱壯年錢唐柳綠花含恨粉牆綠繞
子雲宅華燈照幙自草玄春城飛雪滿一月立馬敲門
馬蹄沒銅壺驍箭三十六易坐更投鏃相抱仰天大笑
催命觴酒多雪急天茫茫論文握手到爾汝知有膠漆
無參商君行却向江東去我亦棲遲廣文署震澤風驚
白鴈秋玉山露落青楓暮井邑蕭條劫火餘行人何處

問緘書傳聞那得辯真假引領遙望空嗟吁今年飄泊
越城重重九手書悲且喜舊游雖在舊人非獨立看雲
淚如水羨君絳帳開海濱綠衣堂上生陽春艱危大幸
適樂土况有主翁賢且仁嗟余數與時不偶畫帟不成
祇類狗家鄉蕩析身轉蓬棄置田園事奔走豺狼在郊
蛇在藪府縣官曹但糊口藩垣久厭邊鄙報旄丘載馳
徒疾首郭公子今何如璞中之玉可照車委棄土壤慚
砥硤往事轉頭同過翼徒鶴蟲沙豈終極南山直榦劈
雷電般匠束手無顏色殷勤寄情素會面未有期願言
努力各自慰莫遣青鬢先成絲

和兵以時秋夜長篇

秋夜長今日何日此何鄉流螢在砌苔在牆明星滿天
月照床東西南北路渺茫車何為乎水中央秋夜長今
日何日此何鄉

雪晴偶興因次成篇

玄雲四垂天黯黯大野蒼茫飛雪糝北風刮面利如刀
海氣昏昏迷遠覽若華東光封密霧北屋無烟色悽慘
天姥沈陰禹穴閉扶胥海濤渾不撼愁埋朱鳳入杳冥
凍縮赤蛟深次宿猿狖哀號咽巖谷鴻雁驚啼亂葭菼
壯士金戈鏃朽凌將軍玉帳旌旗懸師徒百萬盡熊羆
幕下從官皆燕頤馬蹄蹶踣坤軸震夜半入蔡何人敢
蒼山野客拙且懶旅舍蕭條坐無愁頑童汲井十指直

稚子敲冰兩鬢髡今朝出日照溪棟樓外遠山皆蒼蒼
初驚急溜瀉瀉泉漸看縣泚掛旒旒那無美酒洗胃膈
空有新詩吐肝膽先人敝廬松柏在墻角早梅應可擊
蝮蛇張鱗席掉尾平地倏忽成空墟藩閩官曹厚祿食
忍以黔黎為醢盃天民日望天爰憐破瓦頽垣最悲慘
農家齊仰二麥成且喜土膏滋九坎清晨樹上啼布穀
柳下碧波潏潏安得扁舟泛五湖莫使中心攢百感

題陸放翁賣花叟詩後

君不見會稽山陰賣花叟賣花得錢即買酒東方出日
照紫陌此叟已作醉鄉客破屋含星席作門濕螢生竈
花滿園五更風顛雨聲惡不憂屋倒憂花落賣花叟但

願四海無塵沙有人賣酒仍賣花

題柯敬仲墨竹花石

紅桃花天天綠竹葉疑、水邊石上相依倚恰似佳人
配君子奎章博士丹丘生寶書鑑盡芸閣清傑朱涅翠
歸墨筆收入造化無逃形烟濃風暖春如醉竹有哀音
花有淚花枯竹死今幾年空留手跡令人憐

包真直題太一真人圖

太一真人眉須不知所持何代書既不學昂星降精
下輔隆准公又不學傅說請帝通夢寐左右高王陳範
模眇然一葉蓮花蓉清秋風次落泥塗紅洲粉察不可
扶君何為中以為將歸漢九河凌五湖夸耀水伯

今文成五利之董假倚神聖欺
符塵鹿無兒夫何辜漢宮天祿連
綺疏青藜有酸如芙蓉何不分餉依
光夜績之徐吾高
堂耽、縣畫圖作歌一笑駭里閭

為戴起之題猿鳥圖 牧谿畫

巴東之山巫山高連峰插天關鍵牢
中有懷陵歎谷之
波濤勝蘿香冥風怒號人跡不到神
鬼逃但見野猿沙
鳥群相嘈聲取百竅搖巖壑此景可
聞不可遭爾何為
乎貌以毫毛嗟哉用心無乃勞江盤
東雷雨昏崩岨
死樹纏古根玄猿抱兒隨白猿長臂
嬖嬖相攀援舔
論詭躡騰縣柯攫石墜且楸上有滿
月如頰盆箕管挑

枝寒自蕃嘉實不食鳳高翻但見娥白女英之淚痕勢
窮險盡原野闕落日烏鴉繞雲黑茨化茫茫蘆葉赤前
飛鵝鶴後見鷓滿湘洞庭烟水碧騶虞鳥鴉無顏色還
君此畫長太息獨立看天淚沾臆

題界畫金山圖

岷山導江入海長金山却在江中央
有地軸連扶桑
上有鳥道通九陽白波繞之如雪霜
浮空或低昂
但見危樓峻閣造牛斗似蓬萊之餅
按金伐革殷朝
夕丹雘翠葩相焜煌巖崖洞谷蛟龍出
鱗鱗錦紋頰頰
無恙輝如電交暄涼虎蹄豹跡萬古不可到海若夜出
切雲之珠明月光日連行

消災殃轉惡為善回效祥嗟我微往不能翔書中
尤心飛揚涉水有鼉野有狼武陵桃花今渺茫浩歌
曲增慨慷

題界畫卧龍山樓閣圖

魏魏乎大海之西浙河之東是曰會稽夏后所封吞雲
吐雨隔躔次闔闢光景調春冬地平天成五千載職貢
長與中華通洞天石室神仙宮香爐紫氣騰芙蓉禹穴
窈窕潛蛟龍玉書金簡今無踪但見蒼松翠柏掩曖閉
白日猿狖叫嘯生悲風卧龍何蜿蜒向之離立如孩童
上有朱甍碧瓦縹緲浮玄穹
曉星寒牕月掛戶下視水
木光玲瓏多年不見嘗瞻處野
花自落
每苔中綠蘋香

飄揚柳濃漁舟一葉波溶溶黃冠負老山寂寞澹烟細
雨空青楓鴈山狂客意匠工能以翰墨偷天功對此使
我心神融便欲築室依龍棧短衣瘦策尋葛洪燕服石
隨餐晴虹翩然遠逐浮丘公不須懷古思慘戚伯夷綺
季俱蒿蓬

題群龍圖

世間萬類皆可覩茫昧獨有鬼與龍此四圖盡龍二十四
狀貌詭譎各不同得非物產有異種或曰一神變無常蹤
一龍捷尾欲上水足瓜猶在齋泮中一龍出穴飲澗底
頭上飛瀑瀉白虹前有一龍已在雲頂一龍於子揚雙
浪波魚鱗香徑籠日車映北天無風一龍兩龍忽相

須眉鬚髮如老翁便欲角觝爭雌雄西望積石接崆峒
白龍擘石窺流潦河伯遠遁虛其宮屈蟠睡者何龍鍾
老物用亢時當終峽外六龍獰以兇矜牙舞爪起戰攻
齧鱗爵甲含劔鋒陷胸折尾波血紅之死弗悟人誰恫
一龍引航將欲從迴環睚眦未敢通最後一龍藏於壑
睥睨勝敗非愚神無乃有意收全功雲中弄珠勞爾躬
不如卧沙之後容龍子學飛力未充母在下視心憧憧
何物一角額準隆赫然出洞若蛇蟲有龍接之自龍從
恐是輦穴王鮪公皮骨始說形猶蒙雨龍歸來倦不矜
癡龍攀石身已瘠蚴蚪偃蹇歛騰衝蜚螭攫躍鬣鬣茸
呿呀奔擊曲如弓百態並作何紛厓是耶非耶孰能窮

畫師昔有僧繇工能令真龍下虛空安得伶倫截竹筒
吹之呼龍出石拱使我一見開昏曹

為丘彦良題牧谿和尚千鴈圖

往時惠崇畫鴈對之如在江湖游只今此圖又精妙
中有千里瀟湘秋乃知浮屠性多巧意匠不與凡夫儔
吳松江長具區闊天日虎丘青一髮西風九月秔稻黃
朔鴈飛來翼相戛農夫苦飢鴈獨飽此意畫師應識察
近者分明辨羽毛遠者縹緲瞻秋豪或乘飄風入烟霄
或翳落日沉隍濠起如武侯布八陣集如萬舞回旌旄
眠沙卧草鳴且翔啾啾藻荇亂蓬蒿禾空穗盡却歸去
紫塞漠漠春雲高我家南山隈蒼嶺鴈飛不到川路永

深林大谷蛇豕盛愁向他鄉撫虛景人言鴻鴈比弟兄
我有兄弟隔兩城題詩卷畫謝客去無使感愴傷中情

雨中寄用章上人

月盈復魄已過五不見白日長見雨美人娟娟隔巷陌
會面不得徒延佇昔邪當門泉湧礎仲蔚蓬蒿塞環堵
陰風向人作秋氣芳草日夕成宿莽玄圭上天禹穴閉
倉水使者今何許玉京群仙翳煙霧弱水西流隔玄圃
女夷鼓歌不自覺朱鳳翅濕那能舉自從干戈起淮甸
天下無處無豺虎微歛頻煩轉輸急更有何鄉為樂土
醫藥餓人誰復數思家遠客空悽楚半生身世付浮雲
獨立看雲百憂聚晚來天南橫絳虹雨勢未已愁雷公

井蛙谷鮒俱得意，泥濫潢潦登穹隆。方外文章誰最好，
後有嬾公前笑老。裁詩忽漫寄中情，萬事茫茫聽蒼昊。

玉澗和尚西湖圖歌

大江之南風景殊，杭州西湖天下無。浮光吐景十里外，
疊嶂湧出青芙蕖。百年王氣散荆棘，惟有歌舞留歡娛。
重樓峻閣嬉鉛黛，媚柳嬌花使人愛。老僧不善兒女情，
故作獷豪見真態。想其泚筆欲畫時，高視化工如小兒。
千巖萬壑吾意匠，夸娥巨靈吾指麾。却憶往年秋雨夕，
畫舫衝烟度空碧。蒼茫不辨雲與山，但覺微風響蘆荻。
須臾冷月迸深霧，時見松杉半昏黑。開尊命客彈焦桐，
扣舷大咲驚海童。鮫人唱歌魚鼈應，水底影動雙高峰。

只今倏忽成老翁，可憐此樂難再逢。愁來看畫欲自適，
誰知感生愁轉劇。

顧周道山水圖歌

憶昔晉時顧希頭，能畫聲名塞穹昊。千載而下繼者誰，
君之耳孫字周道。江南山連蒼海島，水遠山長愁絕倒。
興來走筆如有神，濃抹淡粧無不好。前峰倚天自太古，
知是天台是天姥。烟開浪波搖浦溆，草滿汀洲樹如羽。
山迴兩崖夾幽谷，小橋俯映菰蒲綠。扁舟何處覓鱸魚，
滄浪水寒空濯足。柳邊碧石明素沙，茅廬似是陶公家。
衡門晝掩雞犬寂，誰人共采黃金花。我屋雙溪松栢裏，
清泉皎潔無泥滓。鳳皇不來鷹隼逝，白日鷓鴣嘯桑梓。

華表柱頭丁令威風塵瀕洞何當歸感時對景重回首
不知人民今是非

題米元暉瀟湘圖

米家父子皆好奇戲弄筆墨如小兒三百年來傳幾手
坐見銷鑠同春澌丹青馳譽士所耻勉强徇物寧非癡
蒼梧之山鬱嶸嶷重華往矣空寒颺遠帝風去竹迸淚
白日慘淡令人悲瀟湘洞庭連鄂渚江漢波濤動荆楚
不見軒轅張樂時水妃怨泣鮫人語問君此圖何處得
中有遠意衆莫識君不見岐陽石鼓字泯滅千載猶爲
人愛惜

題趙學士色竹圖

竹性本孤直磬折良可憐由來剛介有摧挫歲寒然後
知貞堅虛堂無人清氣會日滿高林風影碎漆園胡蝶
去茫茫冷落瀟湘蒼玉佩我思美人淇水隈路永莫致
增悲懷雪霜紛糝嘉實晚不知鳳皇來不來

題富好禮所畜村樂圖

我昔往在南山頭連山下帶清溪幽山巔出泉宜種稻
繞屋盡是良田疇家家種田耻商販有足懶踏縣與州
西風八月淋漓盡稻穗御比無蝗蝻黃雞長大白鴨重
瓦甕琥珀香新筍芋魁如拳栗殼赤獻罷地主還相酬
東鄰西舍迭賓主老幼合坐意綢繆山花野葉插巾帽
竹筍漆椀蕪蕘酒酣大笑雜語話跪拜交錯禮數稠

或起頓足舞侏儒或坐拍手歌甌篋傾盆倒榼混醯醬
爛熳沾漬方未休兒童跳躍助誼諛執道逐走同俾囚
出門不記舍前路顛倒扶掖迷去留朝陽照屋且熟睡
官府亦簡少所求寧知宴安含醜毒未報一變成戈矛
高門大宅化灰燼蓬蒿瓦礫塞道周春燕營巢在林木
深山露宿隨猿狖三年避亂客異縣側身天地如浮漚
親朋阻隔童僕散蔬食水飲不自謀有時惆恍夢閭里
驚覺五內攢百憂若家畫圖稱絕妙鑒別曾遇柯丹丘
想應臨榻出秘府筆意精到世罕儔村歌社舞自真率
何用廣樂張公侯大平氣象忽在眼令我感愴涕淚流
近者鄉人來報喜今歲高下俱有秋豺狼食飽卧窟穴

軍師已運招安籌人情自古共懷土况乃霜雨淒松楸
神龜且被預且困子所弗念天我尤積薪厝火非遠計
誰能獻納陳嘉猷長江波浪接淮泗白日慘澹騰蛟虬
天下農夫總供給隴畝不得安鋤耰市中食物貴百倍
一豕之價過於牛魚鹽菜菓悉賣米官幣束閣若贅瘤
朝餐僅了愁夕膳誰復有酒澆其味循環天運徃必復
邪氣暫至不遠瘳此生此景須再覩引領悵望心悠悠

題湘湖圖

君山洞庭隔江水彭蠡無風波浪起明窓曉晴圖書開
興入湘湖三百里浙江兩岸山從橫湘湖碧繞越王城
越王城荒陵谷在古樹落日長煙平游子天寒孤棹遠

七十二谿飛雪滿浩歌不見濯纓人沙鶴野猿相對晚
湖東雲氣通蓬萊我欲從之歸去來蛟鼉塞川陸有虎
兩臂無翼冷心哀

為啓初門和尚題山水圖

天下名山隨處有畫圖流傳之良久祇園道人展橫幅
觀者稱誇同一口蒼梧九嶷高挿天卷而懷之不盈手
巨靈驚呼盤古怒地軸塊塊昆侖剖太陽出海開杳冥
蟠冢岷峨大如斗華軒無人清晝閑恍然置我匡廬間
金輪迥出牛女上遠近羅列千雲鬢江花野竹青錦斑
嵌巖斷石蛟鼉顏岡盤谷轉絕徑路但見湖水迴瓊環
白沙洲暖春風起南船掛帆北船艤吳波不盡芳草外

楚岫半入長烟裏夜深小龍行兩歸宮亭月落彭郎磯
旌陽步虛盧老和雜佩散作虹蜺飛百年塵世真夢寐
回首旌旗塞天地舊游何處成渺茫一曲狂歌數行淚
青丘弱水迷方壺武陵桃源今有無瑤臺三鳥消息斷
安得羽翼啼清都

題趙學士松圖 白塔

趙公拈筆作古松平地躍出三青龍蜿蜒不上霄漢去
爽颯長留烟雨濃前朝美人鬪草處猶有當時數株樹
江亭六月涼如秋應與此圖相對愁

題李陵見蘇武圖

中原無書抵不乳孤爽蒙茸奈何許老身漢節死生俱

地角天涯見明主金鞍駿馬空故人相看一失悲辛
悲來風沙吹上馬河水東流日西下
空一作言

陳彥德以畫見贈詩以酬之

君不見昔者米南宮又不見今時趙學士能將翰墨爭
鬼工天下流傳名父子枯蒼屢士身姓陳小郎英俊尤
可人欲收大地入掌握筆意所到如有神曉携小幅來
贈我紅日滿窓花婀娜開軒展視心眼寬如在岳陽樓
上坐湖波吹烟入遠山君山乃在湖中間蒼梧九疑隔
湘浦孤雲三峯幽篁斑漁舟一葉來何處巫峽雨昏
天
家
畫
畫
行
人
久
不
歸
沙
上
無
語
自
飛
去
陳
公
十
八
日
畫
此
畫
多
逢
英
三
畫
亦
在
此
畫
中
也

何

長平戈頭歌

長平戰骨煙塵飄歲久遺戈金不銷野人耕地初拾得
土花漬出珊瑚色邯鄲小兒強解事枉使泥沙埋利器
四十萬人非少弱勇怯賢愚一朝棄陰坑血冷秋復春
朽壤食盡蒼蛇鱗淪長愧杜郵劍發墜空憶椿喉人
故壘中宵鬼神入雲愁月暗戈應泣嗚呼當時豈無牧
與頗戈乎不遇可奈何

錢王箭頭篇

鷓夷遺魂拗餘怒欲取吳山入江去雷庭劈地水群飛
海門扶胥沒氛霧英雄一怒天可回肯使赤子隨鯨鮫

指揮五丁發神弩鬼物辟易腥風開三百年來人事改
濤落沙平箭空在石梁飲羽未足誇蜀國三年漫欺給
近聞黃河水亂流青徐一半悲魚頭安得仕士幹地軸
為拯斯民塗炭憂

次韻和石末公七月十五夜月蝕詩

招搖指坤月望日大月如盤海中出不知妖恠從何來
悄悄初驚天眼眈兒童走報開戶看城角嗚聲未卒
蟾逃兔遁漠無蹤璧隕珠沉一何疾丈夫愕視隘街巷
婦女喧呼動圭筆輝、稍辨河漢沫耿之漸明荒冢漆
百官袍笏群吏送伐鼓撞鉦仍設鞞赤水難今罔象求
澠池莫効相如叱升簷變閣到空曠堪植氛侵殊靡畢

凜寒桂樹劫火炊借問嫦娥有何術今年下土困炎沴
草木焦枯野蕭瑟必萍號暵死龍甲炊赤燂當衢掛泣實
光芒照灼玄武爛誰復瑣瑣憐蚌鷓今夜慝作最差異
天道幽微孰能詰太陰配日宰臣象無乃常形多縱軼
近來營壘徧宇內羽林慘澹空鉄鎖荒郊廢市何所見
夔罔蛟蛇兼蚤蝨此皆在地不在天未若蝦蟇狡而猶
黃文結鄰上訴帝賜以小戎駝牡騁剖蠶洗魄還月光
再起各繇明典秩返蟾歸兔復織阿萬古游塵避清碑

再用前韻

虞淵豁訝納歸日金樞吐月相承出初離積水看若飛
稍映微雲眇猶眈是時辱收肇視政莎雞振羽鳴蜩卒

姮娥靚粧覲玉帝坎軻中途嬰禍疾旅人苦熱愛清涼
快覩光輝消蓬華願開寶鑑照覆盆豈擬瘴塵昏點漆
隨珠慙固重革櫃和璧嗟蒙誅韋鞵吳罌樹折不自謀
織阿馬弱無人叱三足蟾驚入坎窞兔走罹直畢
圓灰破暈謾傳方脣王補凹空著術雷公駭懼罷靈鼓
湘女幽憂含鳴瑟故老謂是蝦蟇精潛伏姦妖營口實
義和尸位罔聞知可以人而不如鵠往歲威孤弛其殼
蛇豕陸梁誰復詰高牙大毒縣擁藩垣腸斷吞聲受陵軼
江淮洶湧湖浙沸骸骨成山連鬼鎖萬姓喁之釜裏魚
百官蠢之禪中蝨黃茅白葦棄賢良赤紱玄裳寵狎猶
吳穹示變盡警言長惟德動天天自鳴况今旱魃又為厲

東作此成不平秩安得緘辭伏閭闔聖主如聞應駐蹕

涇縣東宋二編修長歌

浙東行人過江左正值蕤賓之管吹輕葭陰氣黯黹天
地閉仰面不見扶桑鴉谷風哀鳴灌木應兩脚四垂如
亂麻崩湍湧溜汨奔會平地碾齧作日窪使疑桑田變
滄海流永熒眼無津涯菅茅披猖黃竹拜蛙黽狼籍助
喧譁滿路青泥雜隕穉局縮畏觸蛭與蛇破瓦荒畦舊
市井荆榛穢奧巢麀麇翠眉蟬鬢轉蓬去頽墻缺甃劫
火燬善淫禍福不可料韶豔天閤令人嗟叢祠佛殿總
銷歇但見木偶眠泥苴前度長洲絕短澗興從沾濕水
沒跨寒颼痒瑟透衣袖雖有韞蓋那能遮水邊老鶴李

人立鷺鷥侍傍如小婢廢田蔓草結旌旆農夫盡化為
蟲沙布穀不知時事異勸耕終日聲查々晚來雨歇到
涇縣只有蒿菽無人家縣官趨迎入公廨筋力骨解肉
半麻蕭條破竈冷灰地飢童凍口張哈呀溲沓麥飯那
能致新豐酒醪何處賒古稱悲歌可當哭莫恠笑謔同
兒哇夜深月出照庭樹鬼燐一似青蓮華驚魂遁魄稍
歸舍收入志慮無令邪愁々曉霧子規叫起坐更盼義
和車

聽蛙

繞舍荒池底且鮒蟄蛙齊悵鳴雷社已知地氣上如炊
更覺石泉流若瀉舉頭玉燭煥陽明跼足汗泥悲土苴

半窗風入綺牕清晨細雨霏簷瓦梁間紫燕舞參差
枝上黃鸝語悲婉播形肖貌均有生感氣傷情孰瘖瘖
初聆衙々雜更鼓漸聽嘈々成侈多猶持堅白較同異
似坐狙丘談稷下村童叫噪聾拳究悍婦勃磔喧姊姐
西域胡僧彈般若齊東老生矜炙輶逸帆觸岸靡蕪葭
醉客罵筵投盞竿叨咬誰辨驃兒哇繡若乍開竇叟囁
怒牙嚼齧悻羅吞瘡言詰屈驚宜樹徒夸楚使能詈齊
未讓秦巫工詛芋堯離佞休紛覩縷帝樂虛張洞庭野
虞夔奚暇調笙簧周勃厚由分鄭雅旅人懷憂實無寐
遭此彊聒胡為者得非作姦謀蝕月無柰聚訟騰謹設
昔聞周公立典教烟氏專司鞠灰灑常疑聖人茂育物

獨向微蟲少寬假乃今知其非瑣屑欲問官司乞餘地
鳳皇鸞鷲擊苦希白雪陽春和偏寡蚊蠅蚤蟲多於沙
鑽啞喑鳴紛醜覩蝦蟇幸不食毒螫何苦歎號爭跽跣
烏鳶逐響蛇聽音寧顧入腹生瘕瘕賦詩却笑柳、州
忍使腥臊辱藟鮓

贈道士蔣玉壺長歌

先生清如玉壺冰神閑志一精粹凝玄黃健順六子承
和氣坱圠籠穢澄冲虛澹、廓以弘真茫沕穆恬無能
火鳥入海陰液升鶉蛇受約不敢騰束縛熊虎如寒蠅
虛無黃堂帝所憑四方上下齊鈎繩北幽羅鄴對朱陵
女夷鼓歌王母應瓊宮夜半張華鏗金葩碧葉紅氍毹

素霞鬱鬱兮雲蒸沆瀣厭浥淪泉興牽牛織女來相
用之不減亦不增地官錫福天官徵老蚌迸殼羅珠什
太一象與駮八鵬翼以六蜺前五騰風輪蕭、生夏凌
參旗九旂茂緄滕二八青蛾羨日睇翠鞋交程翔騰贈
屬車九、如連繩最後雷輶子所乘流蘇勃窣垂鏤膺
編爛駮馬駟駱躡霞踏霧碎綺綾天津閣道轡轡轆
歸來瑤臺十二層月光照耀玻璃棚下視瀛海波濤冰
龍宮蜃窟寒兢、歸塘暘谷清可憑鱗甲鏡瑩鰐與鯨
湘妃鼓瑟冰絲絃金戛玉萬穴澆琅玕風吹般峻嶒
琉璃雲母龜貝朋琳房壁甃瑄階陛素鷲振迅霜女扔
璇題瑣牖肅蘭、洞晃瞻朗眩遙澄瘁肌之髓魂欲殞

忽然浮空墮香曹
 颺馳電燿羽脫肱
 天衢阻遐世網罟
 昏之日月敲炎蒸
 句曲之山翠礪矚
 楓杉檜栢栝桂枏
 衡蘭杜若蕙萑葵
 綠岡被嶺巖礧騰
 大地浪井瀑練湖
 萍瀕繡繪芙蓉凌
 鼉虺物蚪千年藤
 纏絡辟荔縣翳鬚
 敷芳發馥菲芬芳
 猗猗猗雌鵬蒼鷹
 棲上接歛善巖等
 崩寒將蟪蛄螿犯
 蟪嵐餐露飲喧岷
 岷先生皮冠衣絳
 緞排枝七尺穿虺
 騰三茅真君共嗟
 稱星根絕頂時同
 登黃斑黑虎陟降
 凭石罅甘漿溢若
 澗神芝吐燄如箕
 簞食時功機保不
 覺驅斥琚瓊除瘕
 瘕眸光照座生紫
 稜舉觴引滿鯨喉
 漿解后見之喜莫
 勝揚眉抵掌開蒙
 顛入生嘉會安得
 恒靖恭正直天所
 仍作詩持贈匪安
 譴

前日大熱... 昨日一雨涼如秋
 寒暗倏忽反覆手
 冰炭著... 今朝初晴又欲暖
 園中草芽軋復抽
 嗚呼安得伶倫吹
 嶰竹四氣不愆同
 玉燭

詩

丙戌歲將赴京師... 送徐明德歸鎮江

疲馬懷空櫪征衣怯路
 滿西津夜花明北固
 春... 應有日話別莫愁辛

過南望時守關不許行

客路三千里舟行二月
 餘杜顏隨日減衰鬢
 受風踈葛草瀕句國
 浮雲少昊堯愁心如
 汶水蕩漾遶青徐

發景州

澹夕風作蕭蕭蘆葉鳴林間衆鳥息河上一舟行海
近雲常濕天虛月更清神京看漸近且緩望鄉情

泛海詠霧

海上苦多霧北風吹更長總交積水氣已翳太陽光淺
亂洲渚色深迷鴻鴈行神間馮出入君子慎周防

黃州團湖董氏鏡心樓

西窗四面開明鏡中有高樓接泰清絳氣往來嶮影入
碧光浮動日生雲間鳳孤飛下空潭魚作隊行
安得琴樽與非玉金銀臺上卧吹笙

無題三首

一片浮雲萬里心海波無底未為深虞淵險迫羲和疾
空使傍人詫鄧林
玉樹沉沉結夜愁金陵蔓草沒荒丘誰言錦纜江都去
不見金陵蔓草秋

黃鵠高飛雲路遐野鳥謀食但泥沙山中樗櫟年年在
看盡西風木槿花

題墨菊

粲々金英美可餐九秋風露與清寒墨君莫妬天然色
終遣靈均怨子蘭

題沙溪驛

澗水彎彎繞郡城老蟬鳴作車輪聲西風吹客上馬去

夕陽滿川紅葉明

過閩關九首

閩頭霧露白濛濛，關下斜陽照樹紅。
過了秋風渾未覺，滿山杭稻入閩中。

峻嶺如弓驛路賒，清溪一帶抱山斜。
高秋八月崇安道，時見棠梨三兩花。

建溪激箭向南流，石齒如鋒闢客舟。
篙子踏歌渾不畏，行人遙望替生愁。

驛路高低度嶺關，堯離人語雜夷蠻。
江花巧似駝茸白，山果渾如碼碯殷。

飯浙香瓊酒溯霞，驛亭到處只如家。
征夫但恐咨詢闕，

莫向天涯怨路賒

漠、輕雲結晚陰，依、斜日掛遙岑。
炊烟忽起柴榆上，散作鮫綃抹半林。

道上黃埃撲馬鞍，汗流如水透中單。
忽驚踈雨林梢過，急換羅衣更怯寒。

劍水悠悠南去深，黃茅苦竹自成林。
日烘溪霧生秋瘴，風攬山霏作晝陰。

嶺上高秋生火雲，狂雷送雨忽紛紛。
鷓鴣更叫空山裏，縱是無愁亦厭聞。

錢唐懷古得吳字

澤國繁華地，前朝舊此都。
青山彌百粵，白水入三吳。
良

殺銷王氣坤靈肇帝圖兩宮千里恨九子一身孤設險
馮天塹偷安負海隅雲霞行殿起荆棘寢園蕪幣帛敦
和議弓刀抑武夫但聞當宁奏不見立庭呼鬼蜮昭華
衮忠良賜屬鏤何勞問社稷且自作歡娛杭稻來吳會
魚鼈出具區至尊魏北關多士樂西湖鷓首馳文舫龍
鱗舞繡襦暖波搖髮積涼月浸甍能紫桂秋風老紅蓮
曉露濡巨鰲擎擁劍香飯漉雕胡蝸角乾坤大鰲頭氣
勢殊秦庭迷指鹿周室嘆駘烏王馬違京輦銅駝擲路
衢含容天地廣養育羽毛俱橘柚馳包貢塗泥賦上腴
斷犀埋越棘照乘走隨珠弔古江山在懷今歲月逾鯨
鯢空渤海歌詠已唐虞鷓革愁何極羊裘釣不迂征鴻

暮南去回首憶葦鱸

題畫梅

天桃能熱杏能紅滿面塵埃怯晚風爭似羅浮山磻底
一枝清冷月明中

讀史有感

千古懷沙恨逐臣章臺遺事最酸辛可憐日暮高唐夢
繞盡行雲不到秦

分贖臺

突兀高臺索十成人言暴客此分贖飲泉清節令寥落
可但梁山獨擅名

漫成

隋册青苔砌
五莎春深烟雨自相和
幽蘭生在空山裏
縱有清香奈爾何

至婺州聞官軍自温處之江東所過皆空遂從

間道還鄉

聞道人家總避軍
我亦獨穿射虎群
莫思身外路多棘
且喜雨晴山出雲林端
石鐘鷲自占澗底風
松猿共聞他年想象或夢到
兩鬢白雪應紛

稽句頌

白日隱巖熬千岬
氣勢豪瀛流婺女闔山入
少微高亮石天歌側長風谷
怒號干戈方自此行役敢辭勞

感興七首

昭代仁聲浹九夷
野無矛戟有鉉基
誰言潢海操兵寡
却產宮庭制禮時
廣路駢周四牡陰
風肅漢靈旗
弔民代罪云我事
旰食宵衣上聖恩

清時不樂道干戈
鼯鼠其如虎豹何
淮海風雲連鼓角
湖山花木怨笙歌
紫微畫省青烟入
細柳空營白骨多
惆悵無人奏丹衷
側身長望涕滂沱

衣冠共喜際雍熙
豈意豺狼負盛時
禮樂百年忘戰久
風雲八陣得才遲
神謀不見問識廟
笑誰聞黼衮思
慚愧無生懶無用
江湖志氣已成絲

將軍志氣薄丹霄
欲把孤航截海潮
蕪武節來無忌死
岑彭管惡子陽驕
鷓鴣詩去忠誰白
松柏歌成恨豈銷

悵皇天涯一灑淚鯨鯢罔象雜三苗

落日悲風雲滿川家之閉戶少炊烟也知渤海無龔遂
漫憶邯鄲有魯連三尺青萍思出匣數莖白髮望歸田
請看如鏡南樓月此夜清光最可憐

天狐不解射封狐骨縱橫滿路傍古戍有孤鳴夜月
高岡無鳳集朝雉空文物廢井頽垣白雪霜
漫說漢庭思李牧未聞秦道馮唐

天上九關森虎豹人關七澤起龍蛇塵埃不辨風雲色
雨露全歸枳棘花秦國有人迷塵馬周郊無上載蟲沙
淮墳何日歌常武賜斷嚴城戍鼓摛

越山亭晚望

越絕孤城枕海湄越王亭下景逢之雲埋夏后藏書穴
草沒秦皇頌德碑豎齒未馴虞禮樂戈船猶駐漢旌旗
春風淡蕩吹楊柳芙蓉看吳鉤有所思

謁夏王廟有感

一片宮垣粉牘新前王陵廟在松筠玉書金簡歸天地
具葉曇花詫鬼神滄海波濤紆職貢山川草木望時巡
苗頑未狎虞階舞空使忠良淚滿巾

寒夜忽然有懷周紫巖先生遂成口號奉寄且

以酬黃甘之惠

柱下先生住紫巖倚天愁嶺氣峻之客來每託青猿報
書寄還憑白鳳銜日上寒光生水石月明晴翠落松杉

旅人珍重黃甘贈愧乏瓊瑤吞素絨

冬暖

今年南國天氣暖十月赤城桃有花江楓未肯換故色
汀草強欲抽新芽野畦落日舞殘蝶小池過雨喧鳴蛙
城上幾時罷擊柝愁見海雲暮晚霞

不寐

不寐月當戶起行風滿天山河青靄裏刁斗白雲邊避
世慙商綺匡時愧魯連徘徊懷往事惻愴感衰年

題梧桐折枝翎毛圖

瓊柯碧葉兩參差又是西風白露時鳳鳥不來嘉實晚
小禽銜上最高枝

題竹根小禽圖

竹露無声墜碧柯小禽相對啄秋莎江湖鴈鷺肥梁稻
繒繳連天霧雨多

題畫猫

碧眼烏圓食有魚仰看胡蝶坐階除春風漾々吹花影
一任東郊鼠化鴛

漫成

春雨日々送愁來雨中百花渾未開青山不見神禹穴
碧草已滿越王臺魚兒弄水浮還沒燕子尋巢去却回
頭白場雄嬾戲賦衡門從此掩蒿萊

夏日雜興七首

眼見青苔上短垣，忽看碧草翳衡門。西來急雨寒聲壯，東望扶桑曉氣昏。征戍誅求三載外，詩書禮樂幾家存。天涯地角風塵滿，極目雲霄漫斷魂。

愛此南園僻有餘，依稀景物似郊居。風軒自舞蒼筤竹，蓮沼双遊赤鯉魚。釀酒剩收元亮秫，換鵝時寫右軍書。人生縱意惟踈嬾，莫道門多長者車。

聞道中原沸似糜，倚楹長嘯不勝悲。百年城郭連烽火，千里桑麻委蕪黎。南國久紆方叔旆，東郊未返魯侯旗。五湖何處堪垂釣，腸斷松楸入夢思。

故里無書問遠遊，他鄉萍梗漫淹留。盲風恠雨蛟龍喜，荒楚寒蕪燕雀愁。天上古今星北拱，人間日夜水東流。誰能走報西王母，乞與還丹駐黑頭。

曾樓迢遞俯清郊，天際群山檻外交。日暖水禽鳴哺子，風輕沙燕語尋巢。綠荷雨洗藏龜葉，翠竹烟寒集鳳梢。可嘆仲宣歸未得，苦吟終日倚衡茅。

夏至陰生景漸催，百年已半亦堪哀。葺鱗不入龍鵬夢，鍛羽何勞燕雀猜。兩砌蟬花黏碧草，風簷螢火出蒼苔。細觀景物宜消遣，寥落兼無濁酒杯。

菱葉荷花漸滿池，紅榴綠篠正相宜。天邊日出園葵覺，地底雲生柱礎知。長夏未應炎暑過，薄寒恰覺晚秋時。朝來苦恠雙青鬢，輒向風前學素絲。

夏日訪王友文留飲贈詩

長夏園林白晝閑高軒留客雨漫山傾壺竹葉沉、綠
落樹楊梅顆、殷檻外新荷搖水佩簷前弱柳舞風鬟
醉來帶月浮舟去忘却塵埃世路艱

題江村風雨圖

日落千山風雨來野昏林黑鳥飛迴風吹烟霧連天起
兩送雷霆入地回龍母蛟綃雲半濕巫娥具闌夜深開
暮寒燕子歸華屋愁絕餘花委碧苔

次韻和每季堅見寄

塵埃不見望諸君江海誰憐鄭廣文雪裏一筇穿屙出
竹間半榻與僧分無人問字朝眠穩有客論詩夜坐勤
豹裘羊裘等黃土金章紫綬漫浮雲

題鑑湖送別圖

曲岸扁舟艤澄湖祖帳開雲生秦帝碣雨暎越王臺
氣清瑤席波光灑玉盃情深不忍別欲去更徘徊

次韻和王文明雨中雜興四首

積雨累十日平湖添半篙風連箕畢動雲傍斗牛高水
鶴巢林木池魚上野蒿農人愁餓草採擷到溪毛

白日迷陰陸濃雲沒大荒雨深筠簟潤雲逼葛衣涼
豹歸林濕魚龍赴壑長波濤渺清落悽惻解鳴璫

濕雲看欲薄陰氣未全收日月昏、見電颺額、浮虛
蒼騰彤蠶壞壁湧蟬蛸幽獨無人問含情謾上樓

青冥不可見朱夏已無多雲木光浮沒川原氣溼磨荒

蕪一將略浩汗五湖波去々滄浪水君聽鼓柝歌

次韻高則誠雨中三首

短棹孤蓬訪昔遊冷風淒雨不勝愁江湖滿地蛟螭浪
杭稻連天鼠雀秋莫恠賈生偏善哭從來杞國最多憂
絕憐窗外如珪月只為離人照白頭

霖雨蕭々況客途歲華冉冉隙中徂不知燕趙車千乘
何似嵩邱飯一盂露冷芙蓉捐玉佩天寒薏苡結明珠
東鄰艇子如堪借去釣松江巨口魚

吳苑西風禾黍黃越鄉倦客葛衣涼楸梧夜冷鳥驚樹
霜露秋清蜂閉房天上出車無召虎人間賣卜有三
子戈滿目難回首夢到空山月滿堂

次韻和謙上人秋興七首

一自中原萬馬奔江淮今有幾州存龍韜豹略癡思
穠李天桃猛士門廢壘秋風銷戰骨荒郊夜雨泣冤魂
江湖愁絕無家客佇立看天淚眼昏

東海波濤激迅颺西風氛霧虎狼驕高牙畫戟尊方伯
繡段黃封出內朝無客金戈椿鑿齒有人玉帳舞弓腰
武陵自暮桃花盡何處林泉可採樵

霜飛大野氣淒清自落荒村少客行投筆班超空食肉
登樓王粲獨傷情海壖雨翳旌旗影淮甸雲埋鼓角聲
中夜起瞻天北極鬚毛蕭颯憶神京

浙江流水繞東吳佳麗猶傳故國都紅錦漫山春雨後

黃雲壓樹曉霜餘，嬌鶯逐暖歸牙帳。
征雁衝寒送羽書，惆悵南園釣舟子。
蒺藜滿地不勝鋤。

繡幕香幃隱日華，金鞍玉轡巧矜誇。
深山霧雨驅生虎，大海波濤虺作蛇。
撲檝有枝寒集鴉，梧桐無葉夜啼鴉。
涼風嫋嫋吹游子，何處袷衣是汝家。

故鄉知己不曾逢，滿目雲山恨百重。
斥候霜清寒夜訴，誰樓風急曉城鐘。
此時遶樹憐烏鵲，異縣携家想鴈鴻。
獨向晴簷問梅蘂，數枝和雪為誰容。

江上悲風起白波，山中芳草柰愁何。
紫萸青荇鮫人淚，翠藟蒼藤木客歌。
曠野煙塵迷虎兕，長亭泥濘沒鵝鵝。
濁河日夜東流去，腸斷霓旌影馭婆。

次韻和天童良上人見寄

不辭塵匣掩青萍，願見天邊隕盜星。
白日有時容黑子，紫微終古照玄冥。
輕風淪雪歸蘭汜，細雨涵春入草亭。
但得此身彊健在，江山相見眼長青。

靈峰寺松風閣

靈峯寺閣倚松風，細松高閣更空何。
處流泉生石上，有人鳴玉下雲中。
花飄霧露春香滿，影動龍蛇曉日融。
安得身如列禦寇，翻翻高舉出冥鴻。

秋興

天淨山月出水寒，沙鳥鳴孤燈秋後思。
短笛夜深情江海，空衰鬢乾坤未弭兵。
清都隔河漢，訶禁有開明。

晚思

返照吳山外，歸雲越水頭。寧捐白羽扇，却著黑貂裘。草暖鳧鷖渚，波香杜若洲。艱難愧生事，汗漫想扁舟。

雲門寺作

若耶溪頭過，新雨雲門寺。前芳草長好，將薜荔紉衣帶。更取辛夷結，佩纒綠鬢朱顏非。昔日茂林脩竹是他鄉，東風且莫吹花盡。遠客傷春易斷腸。

次韻和朱伯言自雲門之天衣途中作

即看梅蕊發，江南漸見柔。柔亦可浴蠶，日鑄兩餘峰。似髻雲門煙，合樹如藍青。猿不避游人，過碧澗能消宿酒。酣況有山僧，頗解事何妨。聊駐使君驂。

法華山弘上人

可愛寒潭似鏡清，清光寒氣襲軒楹。草根流水泠泠出，石上潛魚箇箇橫。翠鵲驚風和露滴，白沙得雨照人明。故鄉近報猶豺帟，愁對滄浪詠濯纓。

自天衣還城贈伯言

城上餘寒曉氣凝，湖邊春樹綠層層。一山獨表秦王望，衆水皆朝夏后陵。白眼嗣宗終嗜酒，青鞋子美謾尋僧。仙都石室烟霞裏，早晚相携策瘦藤。

為黃元微題畫松

黃子宅邊松十尋，兩株相倚自成林。半空鸞鳳翻清影，長日笙竽奏好音。豈但伏令能却老，更有琥珀可安心。

風塵瀕洞違相憶寫掛高軒恨最深

題畫紅梅

水晶宮裏玉真妃宴罷瑤臺步月歸行到赤城天未曉
冷霞飛上綠銖衣

題扇面牡丹花

沈香亭畔月華流掌上孤鷺鏡裏愁舞罷春風却回首
六宮紅粉總包羞

題扇面荷花

玉井芙蓉紅粉腮何人移向月中裁高軒忽漫看
疑是昭陽曉鏡開

誠意伯劉先生文集覆瓿集卷之八終